

妄盡還源觀六門（賢首）

◎顯一體：即自性清淨圓明之體。

◎起二用：海印常住用。法界自在用。

◎示三徧：一塵普周法界徧。一塵出生無盡徧。一塵含容空有徧。

◎行四德：隨緣妙用無方德。威儀住持有則德。柔和質直攝生德。普代眾生受苦德。

◎入五止：照法清淨離緣止。觀人寂泊絕欲止。性起繁興法爾止。定光顯現無念止。理事玄通非相止。

◎起六觀：攝境歸心真空觀。從心現境妙有觀。心境秘密圓融觀。智身影現眾緣觀。多身入一鏡像觀。主伴互現帝網觀。

此乃賢首國師以華嚴文富義豐，尋覽莫窮。由是總括大宗，述此六門。令後學修習，盡諸妄還真源也。

海印三昧十義

◎ 無心能現。謂如來三昧，法性平等，離諸名相，不加功用，而能顯現一切諸相。

◎ 現無所現。謂如來三昧，隨眾生心，現種種相，如光如影，了不可得。

◎ 能現所現非一。謂如來三昧，能現之智，與所現之境一念圓融，十方普應不同。

◎ 能現所現非異。能現之智與所現之境，雖十方普應不同，莫不本乎一念。

◎ 無去無來。謂如來三昧，萬法現於自心，彼亦不來。自相徧於法界，我亦不去。

◎ 廣大。謂如來三昧，普徧包容，無法不備。眾生世界，不離一心。

◎ 普現。謂如來三昧，一切世界於一心中，不簡巨細，皆悉能現。

◎ 頓現。謂如來三昧，一切世界當念即現，無前無後，色相宛然。

◎ 常現。謂如來三昧，於諸法相，無有不現之時。非如鏡像，對時方能顯現。

◎ 非現現。謂如來三昧，寂然不動。為眾生故，於非應中隨感而應。